



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二〇五

岑樓詩鈔五卷 程鑒撰

岑樓詠物詩二卷 程鑒撰

夏雲存稿一卷又歸草一卷楚遊草一卷乙酉草一卷 朱元英撰

慎獨軒文集八卷 劉青霞撰

匠門書屋文集三十卷 張大受撰

錢名世詩選一卷 錢名世撰

研北詩存不分卷 吳宗撰

樸學齋詩藁十卷樸學齋文藁不分卷 林佶撰

一

三九

六七

一〇九

二一七

四三九

四四七

四七五

岑樓詩鈔目錄

卷一

江淮集古今詩五十七首

卷二

武林集古今詩八十五首

卷三

京華集上古今詩九十六首

卷四

京華集下古今詩一百十三首

卷五

清集絕句七十首

岑樓詩鈔目錄

岑樓詩鈔

岑樓詩鈔卷一

連水程鑒

廣陵畱別淮陰諸同學二首

片帆擬趁棟花風獨撚吟髭笑轉蓬
文選才華千古在竹西歌吹幾人同
敢於袖底明珠價媿乏窗間鐵硯功
回言鉢池山下月碧蕪綠樹影冥濛

淮流浩浩結層陰隨意閒雲出碧岑
雙槳琴書遊子夢一燈風雨故人心
小山叢桂平生戀廢苑垂楊此去尋
最愛橫岡環遠翠倚天闌檻快登臨

送友

岑樓詩鈔卷一

驪歌黯黯水邊樓尊酒聊將慰遠憂
杜宇何心催去客柳絲無力挽行舟
分襟忍值芳春盡望眼還期錦鯉浮
一躍雲霄須及早故園風景漫淹畱

澹園集飲得江字

勝日宜幽賞相將敞北窗
春歸詩漸少愁至酒堪降
降風引鷗窺簾花隨燕渡江
詩成似張籍自媿隴頭龍

泛舟湖心亭復遊蕭湖劇飲得江字

飄然相對坐輕艫肝膽論交意共降
流水有人成絕調壯懷終自媿寒窗
吹來玉笛梅三弄蕩去銀波槳一雙
莫惜明朝更乘興萍踪取次向邗江

秋日寫懷

幾年慘憶舊容陟。空瞻恨。莫從一片心傷連夜雨。
百端愁集。五更鐘殘。花繞徑。翻寒蝶。亂草依籬。叫野蛩。
搔首問。天天不語。輕雲黯黯。霧重重。

秋日坐鶴笑亭

小亭最愛拋書坐。潑眼烟光翠。欲流黃菊一畦猶下蝶。
蒼波萬里。不馴鷗山僧偶過。畱殘偈。野老閒逢話有秋。
獨倚闌干。思漂母王孫。近日可勝憂。

飲鶴笑亭復泛舟郭家墩觀水中燈影

匏尊藉草坐空亭。向晚拏舟柳外汀。雙槳亂搖。翻碎月。
一篙輕點。散殘星。檻前影奪千珠帳。水面光開百寶屏。
恍似坡仙驚異夢。遙天孤鶴影。玲瓏。

八樓詩集卷一

二

劉伶臺戲作

平楚漠漠。城東隅。舊傳此是劉伶祠。層臺不見。但蔓草。
何來社。康相追隨。祠內有杜康像豈是當年荷鍤至。雅慕康名來。
就師康。亦難稽。何以到綠康。造酒劉伶好。祇今良醞。歷。
東南淮水臘黃誇。絕妙村前村後提壺漿。濟濟羅拜奔。
如狂劉杜異代作良友。由來野老多荒唐。語君何不虛。
前席待我擎杯亦在側。三人更迭任沉酣。曠世相逢皆。
不識。

子夜歌四首

花光夜更妍。帶月同郎步。郎道不如歸。東風能幾度。
郎愛雙雙燕。銜來杏花片。妾欲逐烏衣。有杏誰知燕。

春歸知幾日。郎尚阻天涯。誰報海棠枝。風情過著花。
春光驚。又至郎何歸。路迷不見庭前樹。宿鳥也知棲。

遊金山

笑兀孤峯砥怒濤。登臨縱目盡秋毫。羣飛鷗鷺隨帆遠。
百轉樓臺見塔高。烟接南徐波浩渺。風來北固樹蕭騷。
壯懷到此應無限。一嘯長空把濁醪。

桐江阻雪

一棹寒潮汗漫遊。石尤風起雪飈飈。空思古洞尋靈藥。
應笑荒江滯客舟。詩就每從清夜枕。杯乾徒擁舊時裘。
含愁小立推蓬望。無數青山盡白頭。

嚴子陵釣臺

八樓詩集卷一

三

中原龍虎集羣英。有客孤棲七里清。韋布自關天上宿。
絲綸偏繫故人情。蒼生已濟何妨隱。空谷辭榮豈爲名。
野草荒臺烟水闊。嚴灘不斷古今聲。

岑山

團團翠峙水中央。樹裏鐘聲響梵王。一嶺曇花藏杜宇。
滿溪蘭槳起鴛鴦。高低關路客遊屐。重疊安樓待夕陽。
風景果殊真足樂。故鄉何事久相忘。

麥州道中

春風是處送啼鶯。一徑修篁解宿酲。躑躅映山還映水。
鶉鴉呼雨復呼晴。驢能識路綠橋過。人愛當壚綠蓋迎。
綠樹陰中好風景。隔溪新漲桔槔聲。

游滿臺敬次 家大人韻

浩淼深難測，嗟哉勢逼人。
荒亭撐老樹，怪石咽寒泉。
谷暗晴疑雨，山稠靄似烟。
苔封小赤壁，石壁插天，鐫有小赤壁三字。吟興夕陽邊。

哭家碧又叔祖

黑雲壓城飛白雪，長淮黯澹層冰結。
疲驢躑躅衡山來，知君永與人間別。
臨終索筆苦畱連，半紙傷心淚攬血。
暗囑妻孥畱付余，平生獨信肝腸熱。
謬叨意氣許如雲，還念君年寸心裂。
憶昔共學柳衣園，一燈同坐珠湖月。
文尚高華氣更雄，腹飽詩書手不輟。
二十過頭名未成，中途忍使埋幽穴。
我捧長箋淚若傾，淒風颭颭心非鐵。
夜臺不必重咨嗟，人生修短同消滅。
彼蒼官負苦心人，有子書香應不絕。

本樓詩鈔卷一

四

新燕次王作人先生韻二首

又到東南地，長途興不窮。
影畱朱箔外，聲在綠楊中。
營壘垂晴日，銜泥度曉風。
呢喃傷往事，漢殿久成空。
差池循巷陌，故主是誰家。
社日雙飛疾，春風一路賒。
隔簾窺舊壘，帶雨掠新花。
亦覺身勞瘁，凌波浴暖沙。

次韻繡毬花

誰把寒梅著意攢，枝頭猶帶雪團團。
等閒難解層冰結，莫作羣芳一樣看。

題王敷在小照

岑樓詩鈔

置身丘壑世無求，日坐風簷聽水流。
愛菊不妨時蠟屐，看山常是日科頭。
白衣定有人遺酒，清興還應句覓秋。
莫道深林猶可即，知君取次刺扁舟。

畫鶯栗花題贈友人

碎剪殷紅簇錦毬，春歸畱此解人愁。
正逢百轉流鶯好，日費詩翁酒百甌。

盆松三首

非關獨傲岬礪硯，本孤高一任凡花。
草依籬意氣豪，依然張翠蓋落落美虬髯。
試問棲盆盡何如，立短檐何時出幽谷。
托身淺土中，欲借玉女盆為作蒼龍宮。

月夜放舟至真州

本樓詩鈔卷一

五

布帆飛急浪，明月碎澄波。
舟子宵行慣，征夫夜飲多。
寒潮侵釣石，遠火暗漁蓑。
達岬人初醒，霜華踏短莎。

友人以四春詩索和走筆戲作

思春

東風還記駕輕轡，春興由來未肯降。
更憶年時明月好，一枝梅影瘦橫窓。

妒春

平林如畫日遲遲，花自精神人自癡。
不管深閨眉黛損，逞他顏色滿春枝。

惜春

連朝風雨打窓紗，九十春光却已賒。
蜂蝶可憐狂不定，

也應無計護飛花。

送春

杜鵑聲裏喚春頻無計畱春且送春畢竟春歸何處所
東風贏得鬢華新

漂母祠

荒祠不盈丈祠中坐老嫗當時名未傳遺像憑誰塑念
彼羸秦時生民盡涸鮒不乏可哀人王孫獨思過一飯
小惠耳卓哉此一顧沒世名不稱臨流興慨慕

釣臺

我來尋舊址烟水迷平野漂母有荒祠韓侯無片瓦一
竿幸成名王封何必假項羽亡烏江君死亦垓下漢恩
固涼薄疾非明哲者嚴陵亦有臺碧峙清流瀉千載懷
斯人高風自瀟灑

本樓詩鈔卷一

六

登燕子磯

江聲浩浩浪千尺終古浮天激危石舟人告余燕子磯
翦波深入蛟龍宅倚江直接石頭城笳兀城隅橫西北
紺殿朱宮曲徑通千盤斗絕依山開小亭木末憩遊人
秋水長天看一色我拄紅藤到此遊北來原是江南客
登臨獨坐嘯西風往事千年亂胸臆

白桃花大韻

羞染胭脂浪得名自饒丰致露溥成玉顏未被東風醉
素面應同白雪清髻上助嬌宜月映筵前送酒評衣更

銷魂爲憶劉郎去片片冰心寫別情

白海棠次韻二首

夜月差疑宿鳳雛瑤臺雲際想冰膚不矜有色邀人賞
豈爲無詩滴淚枯玉臉似因消卯醉淡粧真合嫁梅夫
春狂共擅東風裏錦繡叢中訝獨殊

瓊英合得譜仙姿會向冰園好護持莫笑嬾粧惟傳粉
須憐耽睡未調脂斷腸有恨春全減燒燭難尋夜獨疑
更是深枝藏宿蜨淡烟籠月少人知

白燕次金遠水韻

疑在飛雲裏乘軒理素粧帶霜來遠塞和月宿空梁不
入烏衣國應巢白玉堂漢庭邀異寵知爲舞霓裳

本樓詩鈔卷一

七

徐錦瑞出冊索畫各系一絕

松

特寫青松比結交幹如龍怒枝如蛟平生崛強多類此
爾我心情似漆膠

梅

一種幽香是爾儔毫端幾點氣全收憑君載入奚囊去
不用逢人寄隴頭

薔薇

九十春光剩已稀落花是處怨春歸隨風怪爾東西倚
帶刺生來不攬衣

榴花

放到榴花四月終此時踪跡各西東尊前記取開圖玩粒粒丹心映酒紅

鶯粟

鶯粟正好此花開濃淡天工費剪裁客邸相看饒有味可能郵寄數篇來

葡萄

天池畫此比明珠愧我明珠筆底無閒摘一枝聊贈與語君到處好提壺

菊

本來不畏晚霜欺澹池秋光護短籬記得年時同落帽滿城風雨賦新詩

文樓詩鈔卷一

八

雜詠花木十首

榆錢

忽見飄飄三月中漫天愛趁綠楊風閒牽柳線知難貫戲疊苔痕笑不窮夾道莫教飛戶外外酣眠如得雨籬東枕頭已爲春殘減拋撒何妨亂碧空

蓼花

渺渺寒汀弄晚芳漁舟泊處冷殘陽飄零玉露欺蘆白點染清秋如菊黃南畝莫教妨黍稷前溪尚可宿鴛鴦人人只愛甘如薺茹苦偏能伴桂薑

秋海棠

塗朱膩粉髻簪黃嫩嫩風前鬪晚妝不逐離花窺北牖

爲憐秋客到東牆嬌常帶露凝扶醉弱不勝衣嫩受香睡去莫驚知未足好乘寒蜨入仙鄉

方竹

由來賦性少圓通面面生成羨化工已見冲霄無俗韻還看中矩有高風兵符節節何難合刀筆平平好奏功地氣鍾靈殊不易肖形偏得此君同

勁節干雲傍水隈漢川何自得君來曾非圓轉稱同調但覺端方有別材代反却愁終未肖爲筐還喜不難裁從今高挺梁園幹雪壓成珪並玉臺

文樓詩鈔卷一

九

若令持贈爲鳩杖恐被人嗟觚不觚

蘆花

靡靡隨風掩夕陽凌霜開處色如霜三秋江上頭俱白一夜鷗邊影共蒼花尾尾竿烟空漠漠笛聲吹月總茫茫賓鴻銜近章臺畔認作春前柳絮狂

白蓮花

不藉紅粧顯素姿亭亭玉立果稱奇何郎粉濕風前汗妃子膚凝浴後脂魚戲漫驚瓊玖錯月明常恐鷺鷥疑曾聞太液開千葉解語偏能結帝知

白杜鵑花

雪藥瑤華映水濱也疑望帝是前身三更枝上偏欺月

羣玉山頭獨愴神。血淚已枯成斷梗。冰心如結送殘春。
可憐蜀國魂歸後。一樹雲迷認不真。

楊梅

誰遣龍睛出碧潭。別饒風味貯筠籃。豈真楊子家中味。
難圖金婆塢裏甘。香繞白花傳石郭。肌生紅粟憶江南。
朝來帶露尤堪美。採取驪珠解宿酣。

江淮集

本樓詩鈔卷一

十

岑樓詩鈔卷二

連水程鑾真江

武林集

西湖

不分雨意與晴光。總任游人樂未央。湖水一隄分寶鏡。
荷花十里宿漁郎。高峯南北開圖畫。短棹東西汎渺茫。
爲問孤山林處士。嶺梅何日放寒香。

千竿園補竹

我來官署正長夏。空園獨坐薰風夜。却驚高勝署千竿。
不見龍孫響臺榭。此君安可一日無。往事低徊明月下。
急命梯雲深入山。琅玕遍植青如瀉。倚亭傷水翠千重。
數个還看穿石罅。非因避俗畏人嗤。前賢不欲風流謝。
吳山在望柏當庭。一派清光窗隙射。

本樓詩鈔卷一

一

湖心亭坐月

憑闌鬚盡綠。萬頃照茫然。獨坐清光裏。居然銀漢邊。
荷香薰髓淨。山翠隨杯妍。何處容塵到。題詩莫浪傳。

千竿園古柏二株

署後園在

一樹欹偏左。一株還右旋。前山紅日起。黛色共參天。
霜姿挺千尺。雙柯儼龍虎。風雨欲來時。常聞作雷怒。

千竿園假山

隨意爲丘壑。巖巖向小軒。有時思對語。石丈已忘言。

對鏡

對鏡驚霜髻相看似未真不知添幾許還問鏡中人

喜汪邁園王作人兩先生來署

布帆十幅江三折輕風結伴浮明月忙迎杖履坐千竿
十年契闊從頭說細觀風標喜且驚朱顏白髮方瞳掣
共道入山恐不深無端爲爾還輕出庭前古柏挺兩株
先生凝望意踟躕老人不必久留此此物堪爲君楷模

康熙四十四年三月

皇上巡視江浙

問俗觀風之暇揮灑

宸翰頒賜守土諸臣浙江糧儲道臣程鑾得

御書唐人絕句一幅恭紀一首

岑樓詩鈔卷二

二

端拱垂裳邁古今萬方爭望翠華臨和風瑞日紫駝

道細柳輕花出禁林風舸江淮春浩浩鸞旂吳越曉駸駸

黃童共繞觀風輦白屋都聽解慍琴宵旰何曾殊

在錦圖書更自惜分陰天文著象湖山麗睿藻揚徽

舜禹欽驅使三唐歸倒薤縱橫八法見懸鍼九重頒

出榮無極百拜迎來寵不禁昔憶保和叨翰墨茲因

駐蹕捧球琳守官恰到千峰裏奉詔空思萬卷尋重

疊幾年承

主眷堅貞五夜勵臣心錦屏瞻仰龍章在流水桃花

仔細吟絕句內有桃花盡日隨流水之句

皇上回鑾四月初旬至揚州茱萸灣

允臣民攀留駐蹕行宮臣鑾謬叨扈從不揣涯分妄

以曙光堂匾額奏懇

御書道員無賜匾之例蒙

恩特賜恭紀一首

六龍轉萸灣前驅竟北向臣民戀我

皇強挽雲臺仗小臣叨扈從親見迫切狀玉音俄報

可歡聲動衢巷百千皆鼓腹三五爭擊壤人心既各得

物情並宣暢鳥解極歡歌花尤無損放臣家在廣陵堯

天同蕩蕩有堂曰曙光結構間廉讓冒昧請宸章噴

噴慮其妄

天慈容小臣揮賜慰所望謬誤反承恩懽樂真無量

岑樓詩鈔卷二

三

高堂垂訓戒羣從進直諒書紳守忠清奉職慎鰥曠上

以荅

君恩下以弭官謗從此棟梁間光輝九天上

和張遠村遊西湖原韻

處處桃花點客容雨餘青並兩高峰清歌沸水隨輕舸

村酒沿堤信短笻柳色巧藏樓疊疊湖光圓映月溶溶

春風盡道勾留地我獨神移日暮鐘

贈別遠村

幾折芳馨寄遠思相逢正值早春時梅能愛爾同盟約

梅畫柳不羈人又別離世事忘來應酒生涯拙後始昌

詩臨歧莫嘆頭顱白我亦飄蕭兩鬢絲

清代詩文集彙編

湖上謁張大中丞祠

公諱泰文號洎谷

學術欽醇正先生世罕儔一尊和淚滴十里載恩流處
士風徒冷前賢德並休祠在放鶴亭四賢祠側空山梅放日歲歲仰清幽

喜高且園分臬浙東却東

喜奉恩綸出帝都帶將春色到西湖含香久羨推宗
匠列戟重教媿小巫十指有靈同造化善指一官無食對妻孥別來贏得疎狂在醉後詩成膽滿軀

食鮮荔枝

半生夢繞楓亭驛越水驚逢十八娘蜜汁潤衣全異色
蠟丸封蒂固殊香果然潔白冰肌滑始信鮮明紫膜光

又樓詩鈔卷二

四

遙憶細枝新摘下箇中風味費思量

送王介臣歸里余亦將督漕江南

君賦歸歟羨獨先驪歌唱罷棹江船二分明月三更夢
一縷垂楊兩地牽彩鷁飛時黃鳥喚青山斷處白雲連
懸知抵舍承歡極紅杏村西問酒泉

督漕至江南途中雜詩十首

盈寧百室感君王輪輓應爭實太倉三郡軸轡千里
去雙旌殿後泛滄浪

燕尾輕艘疾似飛塘棲收纜眺斜暉使君稔識江鄉樂
听上行入帶酒歸

報道牙檣過石門落霞春水澹無痕前驅勿許傳金鼓

里有高賢齒爵尊

謂總憲吳公

不分曉夜促兼程舟到嘉興正五更烟雨樓頭如明月
水光如鏡照人清

鶯脰湖邊水似烟滿帆紅日尚高眠摩挲倦眼推篷望
路隔江南祇一天

纔過吳江忽震雷斜風捲雨入船來茫茫寶帶橋邊水
一夜孤燈對酒杯

虎阜爭誇作勝游清歌入夜未曾休我來欲問千人石
何日三生更點頭

亭榭家家一水偏竹籬花檻動人憐停橈且自拋書卷
小試龍團品惠泉

又樓詩鈔卷二

五

千帆如織泛中流舟到金山古渡頭浩蕩江聲驚客夢
曉烟一抹認瓜洲

微雲淡抹望中迷牡蠣頰牆瞰水湄荻響鷗鷺飛一隻
舟人指點小姑祠

康熙四十六年四月

皇上南巡至浙江

鑾輿甫幸西湖行宮

天顏大悅卽

命內侍手捧

上用奶茶傳浙江糧儲道臣程鑾跪聽宣
旨云此茶官至大人方可邀

賜汝道員微臣從無賞給之例今

特賜汝汝心覺得如何臣鑾跪領之下伏念一介卑微

叨蒙

異數感激激難名恭紀一首

特旨傳宣下建章千官抃舞望 恩光擎來玉盤雲霧

潤煎出宮廚雨露香島客絕勝瓊作液大官迴異蔗爲

漿小臣破例邀

天眷從此芳腴溢肺腸

康熙四十六年四月

駕幸西湖行宮

御題西湖山房

岑樓詩鈔卷二

六

賜後山泉名爲淳泉又

御製觀泉詩臨池懷雅則采秀在山水清
每念風波息心寬與水平一首

命中使

諭臣鑾勒石泉上原本節

賜臣鑾摹勒既竣什襲寶藏恭紀三首

堯天何地不梯航觀后東南輦路長自昔青峰排水檻

從今寶墨署山房湖生瑞靄迎舟麗泉注 恩波染翰

香八法直看追頡製故應百倍邁鍾王

莫道涓涓出每遲宸游偏得照龍旂靈源淳蓄從前

古

聖治清平兆此時原名清平泉心與水寬千頃見秀從山采

九重知嘉名肇錫敷 天藻雅則長同星日垂

詔出行宮列辟驚中官傳語最分明摹成金篆千秋勝

賜得龍牋百世榮山後光生應燭夜篋中寶在是連城

君思直與泉同遠一曲巴歌頌太平

康熙四十六年四月初八日

駕幸玉泉觀魚臣鑾扈從進膳蒙

恩頒賜克食恭紀四絕句

無生解脫說初生對 御依稀獅子聲引得天龍隨

警蹕鶯花一路玉泉行

春去靈池曉不寒恩魚望幸動晴瀾揚髻大得西來意

滿眼天機活潑看

岑樓詩鈔卷二

七

游豫何曾廢萬幾鼎烹絡繹後車隨膳夫却識

君王意香滿伊蒲日晏時

映日黃封出尚方花前風送 御廚香臣心也解參禪

悅謝罷

君恩仔細嘗

康熙四十六年四月

皇上駐蹕西湖行宮

特書祇勤二大字

賜臣鑾

聖恩優渥恭紀十二韻

橫經淹下里結綬得亨衢早接鵷鸞步輕分連帥符冰

清代詩文集彙編

淵持風夜盤錯矢馳驅竊欲籌軍國如何轉舳艫省方
龍再御望歲杖同扶卿月風雲集王春玉帛趨不才隨
響蹕幾載濫操竿詎意

天顏喜還邀

帝眷殊恩光輝翰墨睿訓破頑愚勅使通三事裁
成舉一隅祇承無敢慢勤恤可忘劬拜手都俞地高懸
洛出圖

謁文信國祠

祠在子忠
為捐俸重修

巍哉于廟側詞在于忠肅公廟側榛棘迷荒祠禱雨頻經此下馬捫殘
碑知為文信國表忠集衆思俎豆幾何日頽垣苔蘚滋
靜念公生平低徊畱久之憶昔秉勁節磨堅涅不緇鋤

本樓詩鈔卷二

奸與勤王赤膽無猶移君辱國已破此身寧可私時勢
知無益此志不容墮孚光並日月視死真如歸耿耿一
片心指南表其微公有指南集再拜肅冠履鳩工整傾危庶以
妥忠魂維綱萬載師

題且園僉事江蘆半艇圖

村酒還疑載有無一雙雁過聽模糊迷雲半艇穿斜月
夾岬三秋響敗蘆淺水停橈烹稻蟹深更弭棹釣江鱸
西風陣陣烟波闊不怕霜天冷釣徒

重九卽席分得肴字

未用危巖栖鵲巢酒兵閉戶且相交偶然放眼卽山水
不比登高攜酒般帽落風前休謔情詩題絲字費推敲

佳辰仍是他鄉客誰向山庭一解嘲

同人有拈得佳單咸三韻者屬余和之各賦一首

一片閒心百尺巖秋光愛我上單衫池邊野鷺連拳宿
籬畔寒花信手芟酒任糟醅聊遣醉詩爭壁壘莫教凡
西來爽氣凝眸遠滅沒斜陽翠嶺銜

高秋今節是三三未得籃輿上翠嵐黃菊多情開硯北
白雲有路憶江南霜生短髮從人笑涼入清尊獨我貪
從此消寒聯後約小窗相對快難談

菊散秋容滿六街引人濟勝走芒屨酒兵不惜披雲戰
文陣何妨刻燭排捫腹自知多量地科頭都已略形骸

本樓詩鈔卷二

年年此會應須健莫對西風損客懷

且園于廿九日作再展重陽之會屬疊前韻四首

秋光小盡出書巢又展良辰愜素交碧落繁星都爲酒
屠門大嚼豈無般層臺乍見霜華動霜降一曲重聽玉板
敲佩得萸囊添勝事此番嘉會莫輕嘲

排雲重問碧雲巖聽雁臨風尚苧衫籬菊不妨仍舊採
徑苦何用更加茱三秋逸興餘無幾千古歡場慨大凡
插白漫勞悲滿目迎涼杯在且輕銜

佳節何妨更展三登臨况復值晴嵐萸仍充佩搜囊底
醉果畱鄉問水南珠玉爭飛隨紙落杜鵑多放許人貪

白衣莫漫輕迴避未必斯遊不美談

講武初回騎滿街佳游不礙踏霜鞋杯傳九日連旬展
雁過三秋一字排陶令孤高非爲菊莊生曠達並忘骸
良朋幽賞情何限坐覺清風爽客懷

三疊前韻贈且園四首

才名鮑謝性由巢肝膽多從傾益交我與使君同水部
樽無長物但山穀湖隨十里花時泛詩向千竿竹下敲
大雅還令窺莫測肯矜月弄與風嘲

雁蕩聞多競秀巖松風吹露溼青衫尊前晚菊黃爭放
鏡裏秋霜白未芟世態幾番隨巧拙君才十倍隔仙凡
指頭生活逢陽月春色非因燕子銜

本樓詩鈔卷二

十

爲君常掃徑三三共坐虛亭對碧嵐猶記縱橫空冀北
莫驚畱滞在周南臨書放眼何妨曠攬勝從心不厭貧
最是當杯堪愛處悲歌抵掌聽雄談

瞻天時復憶天街不比閒游繫筍鞵戲馬那能甘瑟縮
囊黃何用費安排深情常話經三峽曠志渾忘寓六骸
共念

至尊恩莫報涓埃未遂小臣懷

疊前韻贈金遠水四首

廿載相依寄一巢忘年幸結紀羣交探書尚論耽深夜
把盞清談慣野穀才比明星天際祭人如碎玉竹邊敲
蟲雕篆刻非君事不用揚雄作解嘲

岑樓詩鈔

退休共約入深巖且咏同袍舞越衫縱到天涯終未了

算來世事不能芟須知靜處如成佛但得閒時便隔凡
試看精神同海鶴閒風散更是頭銜

躬耕久擬博餘三鏡水稽山好碧嵐隱逸多傳陶靖節
勛名何用馬征南深杯止飲翻嫌醒佳句耽吟亦是貪
半世忘形無爾汝掀髯晨夕愛高談

五柳春陰綠滿街髻年便看著青鞵看花每伴樽前醉
拈韻常同燭下排幾載飄零嗟合轍半生清瘦嘆同骸
此情難倩霜毫述月到空庭見素懷

長明寺觀貫休和尚李次公大幅羅漢

逼人何咄咄曲盡畫中禪豈必真如是誰云不儼然幻

本樓詩鈔卷二

十一

形原自照運意直無前類上三毫動風來欲上天

且園招遊韜光二首

曲徑蒼筠總畫圖攀躋突兀倩人扶果然霜葉紅于染
還覺晴雲淡若無橫列一城當戶牖中分二水夾江湖
浮生到此仙緣近欲向丹臺乞一壺

陣陣松篁響四山僧鎮日掩禪關從他紅樹爭深淺
一任清風自往還江走銀濤疑是幻石當仙境總非頑
筍輿絕頂盤旋下人在飄飄翠影間

飛來峰

何年來此地碧峙絕無依幽穴靈千態高峰秀不肥泉
流應是冷雲過復疑飛日日招提畔鐘聲繞翠微

烟

漠漠篆虛空浮踪但趁風常看生野店也得倚深宮出
岫迷游屐橫江失釣翁炊時憑傑閣萬戶盡朦朧

諦輝和尚以山泉見貽賦答

霜染楓林錦作堆筍與昨日偶徘徊清談已快臨初地
新汲還令濯死灰夢落雲林繞喚轉泉從天際忽飛來
忙將活火烹龍餅待取風生兩腋開

雲棲

清泉噴玉響琤潺幾歷山腰渡水灣梵唄忽隨松韻遠
宦情頓逐鳥聲閒枯僧寂寞惟參佛古殿莊嚴不閉關
真足招雲棲嶺上可能畱此日躋攀

本樓詩鈔卷二

二

贈顧名六

十載相思益始傾西湖烟柳正藏鶯歌隨綵筆癡應絕
泉近茅堂夢亦清竹葉飄香纔半盞梅花拈韻每三更
臨風最愛掀髯笑壯氣常能貫斗橫

高忠烈公殉節閩中詩公諱天爵字君寵

人生百年皆有死何況區區富貴耳惟有正氣浩然存
光華日月同終始長白高公人之傑氣本山河骨本鐵
卓識弘才勇更沈孤忠大義神尤烈捧檄心驚建昌守
八閩封豕一小醜帶劍潢池江右興蕭牆附逆掣君肘
賊逼孤城計無出橫戈直入呼天日隱忍羈囚寄此身
可憐謀洩機不容自分一死盡臣職但有可垂盡臣力

罵賊奮蹴足不靈血汚風雲齊變色忠感君王哀不已
加封賜謚垂青史足起天壤臣節幾多少羣公地下恥
君不見常山斷舌聲含胡又不見真卿大節乃若此凜
凜千秋死即生至今姓字香人齒

秋笛

西風是處惹閒愁又送誰家笛韻幽截得柯亭剛七月
吹來江上忽中秋淒涼已怯梅三弄嘹唳還添雁一洲
橫玉正逢歸棹遠斜陽影裏莫登樓

和名六雨中過震澤

兩地疆分跨一湖布帆指處是東吳傍河竹閣多臨水
趁市漁人半挈壺客賦詩篇知旨遠雲埋烟火覺村孤
曠懷豈畏寒威逼雨驟風狂任有無

本樓詩鈔卷二

十三

丁亥初度

強仕於今又二年捫心自檢悔從前半生浪負烟霞癖
十載慚蒙雨露偏稱慶還驚將改歲承歡敢謂已華顛
東風未至春先至笑對梅花醉月圓

同且園泛舟湖上登南屏次韻

爲覓靈辰醉休嗤似伯倫扁舟行去數蠟展試來新竹
密多妨路峰高自絕塵莫嫌梅信晚佳句已含春

益清亭書屏六首

千竿園後隙地其西稍下因而築池得土累之爲臺臺上據屏曰益清

綠陰盡處接青山位置虛亭水復環隔柳紅蓮開一色
夾花翠竹掩重關絕無俗韻清禽語饒有清風解客顏

坐久渾忘城市裏。經營須識匠心艱。

香風陣陣透重關。一徑牽花帶水灣。樹密能招希見鳥。

竹深不礙慣看山。觴流池面魚爭戲。藤引松頭鶴許攀。

更愛新聲傳別院。飛梭度曲日循環。

滿灘依然儒素風。絕殊解宇列西東。庭無鶴蓋花休笑。

池有荷錢客不窮。翠色平鋪隨地滿。綠陰高接與天通。

多情難却山頭月。頻送清光到碧空。

高低遠近樹陰環。樹外還連郭外山。却被亭心收拾盡。

頓教春色等閒關。支筇每愛橋三折。散步時循水一灣。

莫怪雙扉畫常掩。不堪持贈寔非慙。

四季花開絡繹催。不教亭上放餘杯。虛中勁節還推作。

破臘迎春定。讓梅況有青松堪結友。寧煩紅葉作良媒。

年年閒處翻勞我。次第徵詩見別裁。

初臨猶記發長嘆。節次經營頓改觀。山水有情原繞屋。

禽魚相狎不知官。幾層蒼翠庭前逼。是處清幽眼界寬。

一枕迎流身化蝶。遽然深悔夢邯鄲。

離羣過十載。買棹到三春意氣輕時。輩清狂尚古人老。

添詩伴。醉任性情真。相對驚蒼鬢。心知各有因。

捕魚歌

若嘗漁人創造活。水魚船子見而鄙其貪且巧也。爰作歌。

莊叟嘗言魚最樂。白波浩浩無拘縛。悠游江海不求人。

時可潛兮時可躍。不知物類正惟魚。最苦漁人百計千。

方取釣絲十丈梟。晴波曷單翼。連網罟更有若人最。

狡毒射利新栽置。水獄扁舟半截行。水中頭鑽三穴如。

口目一孔迎波教。水注兩孔如腮。教水去得魚即載入。

船頭圍圍洋洋不知處。可憐禁錮等樊籠。未下紅鹽命。

已終

遊烟霞石屋

空洞懸崖別有天。落霞遠岫果生烟。如何忽現千尊佛。

竟爾初無十畝田。一徑幽深藏屋後。四山羅列秀門前。

要知景物經人賞。粧點翻教客悵然。

登吳山

尋春不厭更探幽。伴結登臨作勝遊。乍雨頓添山色秀。

無雲還覺馬蹄浮。迷茫烟火連千井。浩渺江湖豁兩眸。

遙想怒潮騰湧日。銀濤萬派響中流。

次韻荅恬菴和尚三首

杯浮南北與誰同。半偈堅持見苦功。識地居然無障礙。

心源何處不鴻濛。放開白眼游方外。收得青蓮貯鉢中。

料是水雲都歷盡。隨機提唱總難窮。

禪踪曾向聖湖過。烏石峰頭問薛蘿。一嶺烟雲看不盡。

九天花雨落來多。山傳鐘磬聲常遠。風入松篁韻自和。

塵滿勾留難喚醒。拂衣東閣惠休窠。

論交握手恨偏遲。會日還嫌卽別時。玉塵止容高座捉。清風未許下乘披。文知有意歸平淡。雲本無心出幻奇。此去天台飛錫過。與君重訂後游期。

徐少宗伯蘋邨先生序予倡和詩草謬承許譽

祇益愧悚賦柬一首

一代文章仰建安。百川朝海息狂瀾。妄依師曠同吹竹。敢向宜僚更弄丸。作敘自慚評過實。論詩還畏律難寬。齒牙不惜高名重。紙上如聞把卷嘆。

輓邵戒三宮詹

髫年負鐵硯。問字無常師。讀君帖括文。玉薤垂金芝。初君移河上。欲見無由期。及余官京邸。君已拂袖歸。無端

本樓詩鈔卷二

六

謬承恩擁節來蘇隄。握手始訂交。乃恨相見遲。弘材負佳濟。謙抑每自卑。炫爛返平澹。抱樸意無私。浙西苦旱澇。三載傷啼飢。我爲閭閻哭。君爲桑梓悲。踟躕計生計。活委曲策其宜。短綆無深汲。往往賴扶持。遂令長鬚者。絡繹飛鳥絲。往復百千言。批卻無猶移。哀哀鴻鴈鳴。中澤起瘡痍。聖廟首觀瞻。風雨慨傾欹。竭蹶走告余。經營商始基。鳩工庇良木。堂廡森璇題。樂善復韜晦。尤人所難爲。胡爲忽長往。湖山掩光輝。卽今我不述。鄉里烏能知。

陪大中丞黃公錢唐觀潮二首

旌旗開曉日。憲府閱蛟宮。千載潮知信。三秋勢較雄。銀

五字英名

濤光奪目逆水勢騰空。作賦懷枚叔。深慚七發工。未至聲先至。旋驚水逼城。雷車千軸動。電索萬條橫。列峙排山嶽。屯雲儼甲兵。循時日來去。不宥犯農耕。

謁禹陵

時巡鸞輅會稽通。繼帝興王道。獨隆玉帛萬年瞻。聖德平成四海仰。神功遠臨。抱鼓塗山下。永莫衣冠越嶺中。漫把梅梁誇勝跡。臨風拜舞憶卑宮。

戊子初度依韻答遠水名六

莫訝襟懷尚似前。一官貧病總年年。梅堪同調何妨瘦。月縱多情豈解憐。欲返蓬門咀七發。漫勞雲路說三遷。霜華侵髻催子老。把鏡心知不偶然。

本樓詩鈔卷二

七

武林集